

Rumantsch è ina lingua naziunala, ma ina lingua parzialmain uffiziala da la Confederaziun, numnadamain en la correspundenza cun persunas da lingua rumantscha. La translaziun d'in relasch federal serva a l'infurmaziun, n'ha dentant nagina validitad legala.

Lescha federala davart la protecziun da las auas (Lescha davart la protecziun da las auas, LPAuas)

dals 24 da schaner 1991 (versiun dal 1. da zercladur 2014)

Attenziun: Las midadas per il 8.9.2015 n'èn betg anc integradas

Attenziun: Las midadas per il 1.1.2016 n'èn betg anc integradas

L'Assamblea federala da la Confederaziun svizra,

sa basond sin l'artitgel 76 alineas 2 e 3 da la Constituziun federala^{1,2},
sunter avair gi invista d'ina missiva dal Cussegl federal dals 29 d'avrigl 1987³,
concluda:

1. titel: Disposiziuns generalas

Art. 1 Intent

Questa lescha ha l'intent da proteger las auas d'influenzas nuschaivlas. Ella ha en spezial las suandantas finamiras:

- a. preservar la sanadad dals umans, dals animals e da las plantas;
- b. garantir il provediment e promover in diever spargnus da l'aua da baiver e da diever;
- c. mantegnair ils biotops natirals per la fauna e la flora indigena;
- d. mantegnair las auas cun peschs;
- e. mantegnair las auas sco elements da la cuntrada;
- f. segirar la sauaziun agricula;
- g. permetter l'utilisaziun da las auas per intents da recreaziun;
- h. segirar la funcziun natirala dal ciclus idrologic.

CULF **1992** 1860

¹ CS **101**

² Versiun tenor la cifra II 2 da la LF dals 19 da mars 2010, en vigur dapi il 1. d'avust 2010 (CULF **2010** 3233; Fegl uffizial federal **2009** 5435)

³ Fegl uffizial federal **1987** II 1061

Art. 2 Champ d'applicaziun

Questa lescha vala per tut las auas sur e sut terra.

Art. 3 Duair da diligenza

Mintgin è obligà d'agir cun tut la diligenza pretendida tenor las circumstanzas per evitar influenzas nuschaivlas sin las auas.

Art. 3a⁴ Princip dal chaschunader

Tgi che chaschuna mesiras tenor questa lescha, sto surpigliar ils custs respectivs.

Art. 4 Noziuns

En questa lescha signifitgan las suandantas noziuns il sequent:

- a. *Aua sur terra:* l'aua, il letg da l'aua, il fund e la scarpa sco er la fauna e la flora che vivan là.
- b. *Aua sut terra:* l'aua sutterrana (incl. l'aua da funtauna), las furmazions aquiferas, las stresas impermeablas e las stresas da cuvrida.
- c. *Influenza nuschaivla:* contaminaziuns ed autras intervenziuns che donnegeschan la furma u la funcziun d'ina aua.
- d. *Contaminaziun:* midada dischavantagiusa da las caracteristicas fisicalas, chemicas u biologicas da l'aua.
- e. *Aua persa:* aua midada tras il diever chasan, industrial, artisanal, agricul u tras ulteriur diever, plinavant l'aua che curra cuntinuadamain ensemen cun quella en la chanalizaziun sco er l'aua da precipitaziuns che defluescha da surfatschas surbajegiadas u da surfatschas cun cuvrida dira.
- f. *Aua persa smerdada:* aua persa che po contaminar in'aua, en la quala ella arriva.
- g. *Ladim natural:* puschina, grascha ed auas da silo che derivan da la tegnida d'animals da niz.
- h. *Quantitad da deflussiun Q₃₄₇:* quantitad da deflussiun che vegn – guardà sur ina perioda da 10 onns – cuntanschida u surpassada en media durant 347 dis da l'onn e che na vegn betg influenzada fermamain tras accumulaziuns, prelevaziuns u apports d'aua.
- i. *Deflussiun permanenta:* quantitad da deflussiun Q₃₄₇ ch'è pli gronda che nulla.

⁴ Integrà tras la cifra I da la LF dals 20 da zercladur 1997, en vigur dapi il 1. da november 1997 (CULF 1997 2243; Fegl uffizial federal 1996 IV 1217)

- k. *Quantitad d'aua restanta:* quantitad da deflussiun d'ina aua currenta che resta suenter ina u pliras prelevaziuns d'aua.
- l. *Quantitad d'aua da dotaziun:* quantitad d'aua ch'è necessaria per garantir ina tscherta quantitad d'aua restanta en cas d'ina prelevaziun d'aua.
- m.⁵ *Revitalisaziun:* restabiliment da las funcziuns natirals d'ina aua sur terra, ch'era vegnida messa en rempars, curregida, cuvrida u chanalizada, cun agid da mesiras architectonicas.

Art. 5 Excepziuns per la defensiun generala e per situaziuns d'urgenza
Sche la defensiun generala u situaziuns d'urgenza pretendan quai, po il Cussegl federal prevair excepziuns da questa lescha decretond in'ordinaziun.

2. titel: Impediment ed eliminaziun d'influenzas nuschaivlas

1. chapitel: Protecziun da la qualitad da las auas

1. secziun: Inducziun, deposit e sfundrada da substanzas

Art. 6 Princip

¹ Igl è scumandà d'inducir directamain u indirectamain en in'aua u da laschar sfundrar substanzas che pon contaminar l'aua.

² Igl è er scumandà da deponer u da sterner talas substanzas ordaifer in'aua, sche quai chaschuna in privel concret che l'aua pudess vegnir contaminada.

Art. 7 Allontanament da l'aua persa

¹ L'aua persa smerdada sto vegnir tractada. Per l'inducir en in'aua u per la laschar sfundrar dovri ina permissiun da l'autorità chantunala.

² Aua persa nunsmerdada è da laschar sfundrar tenor las ordinaziuns da l'autorità chantunala. Sche las relaziuns localas na permettian betg quai, po l'aua vegnir inducida en in'aua sur terra; en quest connex ston sche pussaivel vegnir prendidas mesiras da retegn, per che l'aua possa defluir en moda constanta en cas da grondas deflussiuns. Per inducziuns che na figureschan betg en ina planisaziun communal da l'allontanament da l'aua approvada dal chantun dovri ina permissiun da l'autorità chantunala.⁶

⁵ Integrà tras la cifra I da la LF dals 11 da december 2009 (renaturalisaziun), en vigur dapi il 1. da schaner 2011 (CULF 2010 4285; Fegl uffizial federal 2008 8043 8079)

⁶ Versiun tenor la cifra I 3 da la LF dals 21 da december 2007 davart l'aboliziun e la simplificaziun da proceduras da permissiun, en vigur dapi il 1. da zercladur 2008 (CULF 2008 2265; Fegl uffizial federal 2007 315)

³ Ils chantuns procuran per ina planisaziun communal e sche necessari per ina planisaziun regiunala da l'allontanament da l'aua.⁷

Art. 8⁸

Art. 9 Prescripziuns dal Cussegl federal davart l'inducziun e la sfundrada da substanzas

¹ Il Cussegl federal fixescha las pretensiuns envers la qualidad da las auas sur e sut terra.

² El decretescha prescripziuns:

- a. per inducir aua persa en las auas;
- b. per laschar sfundrar aua persa;
- c. davart substanzas che pon, tenor la moda ch'ellas vegnan utilizadas, arrivar en las auas e che pon, pervia da lur caracteristicas u da lur quantidad duvrada, contaminar las auas u esser nuschaivlas per il manaschi da stabiliments d'aua persa.

2. secziun: Tractament da l'aua persa e reutilisaziun dal ladim natiral

Art. 10 Chanalisaziuns publicas e sereneras centralas

¹ Ils chantuns procuran per la construcziun da chanalisaziuns publicas e da stabiliments centrals per nettegiar l'aua persa smerdada:

- a. da zonas da construcziun;
- b. da gruppas d'edifizis existents ordaifer las zonas da construcziun, per las qualas las proceduras spezialas da l'allontanament da l'aua persa (art. 13) na porschan betg ina protecziun suffizienta da las auas u n'èn betg economicas.

^{1bis} Els procuran per in manaschi economic da quests stabiliments⁹

² En territoris periferics u pauc populads è l'aua persa smerdada da tractar tras auters systems che tras sereneras centralas, sche la protecziun da las auas sur e sut terra è garantida.

³ Sch'ina chanalisaziun privata po er servir ad intents publics, ha ella il medem status seo la chanalisaziun publica.

⁴ ...¹⁰

⁷ Integrà tras la cifra I da la LF dals 20 da zercladur 1997, en vigur dapi il 1. da november 1997 (CULF 1997 2243; Fegl uffizial federal 1996 IV 1217)

⁸ Aboli tras la cifra 2 da l'aggiunta tar la LF dals 21 da december 1995, en vigur dapi il 1. da fanadur 1997 (CULF 1997 1155; Fegl uffizial federal 1993 II 1445)

⁹ Integrà tras la cifra I da la LF dals 20 da zercladur 1997, en vigur dapi il 1. da november 1997 (CULF 1997 2243; Fegl uffizial federal 1996 IV 1217)

¹⁰ Aboli tras la cifra I da la LF dals 20 da zercladur 1997, en vigur dapi il 1. da november 1997 (CULF 1997 2243; Fegl uffizial federal 1996 IV 1217)

Art. 11 Obligaziun da colliaziun ed obligaziun da surpigliar l'aua persa

¹ En il sector da chanelisaziuns publicas sto l'aua persa smerdada vegnir inducida en la chanelisaziun.

² Il sector da las chanelisaziuns publicas cumpiglia:

- a. las zonas da construcziun;
- b. ulteriurs territoris, uschespert ch'ina chanelisaziun è vegnida construida per els (art. 10 al. 1 lit. b);
- c. ulteriurs territoris, en ils quals la colliaziun cun ina chanelisaziun è adequata e raschunaivla.

³ Il possessur da la chanelisaziun è obligà da surpigliar l'aua persa e da la manar en la serenera centrala.

Art. 12 Cas spezials en il sector da las chanelisaziuns publicas

¹ Tgi che vul inducir en la chanelisaziun aua persa che na correspunda betg a las pretensiuns envers l'inducziun, la sto tractar preliminarain. Ils chantuns reglan il tractament preliminar.

² L'autorità chantunala decida davart l'allontanament adequat da l'aua persa che n'è betg adattada da vegnir tractada en ina serenera centrala.

³ L'aua persa nunsmerdada che resulta cuntinuadamain na dastga vegnir inducida ni directamain ni indirectamain en ina serenera centrala. L'autorità chantunala po permetter excepziuns.

⁴ Sin in manaschi agricul cun in effectiv considerabel d'arments e da portgs dastga l'aua persa chasana vegnir reutilisada en l'agricultura ensemen cun la puschna (art. 14), sche:

- a. ils edifizis d'abitar e da manaschi ed il terren enturn chasa èn situads en la zona d'agricultura u la vischnanca prenda mesiras, en spezial cun fixar zonas da planisaziun, per attribuir ils edifizis ed il terren enturn chasa a la zona d'agricultura;
- b. la capacità da magasinaziun basta er per l'aua persa chasana e sche la reutilisaziun sin l'atgna surfatscha utilisada u sin la surfatscha utilisada prenda a fittanza è garantida.

⁵ Sch'ils edifizis d'abitar e da manaschi ed il terren enturn chasa tenor l'alineia 4 na vegnan betg attribuids a la zona d'agricultura entaifer 5 onns suenter che las mesiras èn vegnidas decretadas, sto l'aua persa chasana vegnir inducida en la chanelisaziun.

Art. 13 Proceduras spezialas da l'allontanament da l'aua persa

¹ Ordaifer il sector da las chanelisaziuns publicas sto l'aua persa vegnir allontanada tenor il stadi da la tecnica.

² Ils chantuns procuran che las pretensiuns envers la qualità da las auas vegnian observadas.

Art. 14 Manaschis che tegnan animals da niz

¹ Mintga manaschi che tegna animals da niz sto sa stentar da cuntanscher ina bilantscha equilibrada da ladim.

² Il ladim natiral sto vegnir reutilisà en l'agricultura u en l'orticultura en moda ecologica e tenor il stadi da la tecnica.

³ Sin il manaschi ston esser avant maun per quest intent installaziuns da magasinaziun cun ina capacitat d'almain 3 mais. L'autorità chantunala po dentant ordinar ina capacitat da magasinaziun pli gronda per manaschis en il territori da muntogna ubain per manaschis cun relaziuns climaticas disfavouraivlas u cun cundiziuns particularas en quai che riguarda la cultivaziun da plantas. Per stallas ch'èn occupadas cun animals mo durant in curt temp po ella permetter ina capacitat da magasinaziun pli pitschna.

⁴ Pro hectara surfatscha utilisada dastga vegnir sterna il ladim da maximalmain trais envernantas da ladim. Sch'ina part dal ladim natiral che resulta sin il manaschi vegn duvrà ordaifer l'areal da cultivaziun usità al lieu, dastgan vegnir tegnids mo tants animals da niz che almain la mesadad dal ladim natiral che resulta sin il manaschi po vegnir reutilisà sin l'atgna surfatscha utilisada u sin la surfatscha utilisada prendida a fittanza.¹¹

⁵ Manaschis che distribueschan ladim ston registrar mintga distribuziun en il sistem d'infurmaziun tenor l'artitgel 165f da la Lescha d'agricultura dals 29 d'avrigl 1998^{12,13}

⁶ L'autorità chantunala reducescha il dumber d'envernantas da ladim admessas pro hectara, sche la contaminaziun dal terren, l'autezza sur mar e las relaziuns topograficas pretendan quai.

⁷ Il Cussegl federal po prevair excepziuns da las pretensiuns envers la surfatscha utilisada:

- a. per tegnair giaglinom e chavals sco er per manaschis existents pli pitschens e mesauns che tegnan auters animals da niz;
- b. per ils manaschis che adempleschan incumbensas en l'interess public (recicladì da ruments, perscrutaziun e.u.v.).

⁸ Cun envernanta da ladim è manegiada la quantitat media annuala da puschna e da grascha che vegn producida d'ina vatga da 600 kg.

Art. 15 Construcziun e controlla da stabiliments e d'installaziuns¹⁴

¹ Ils possessurs da stabiliments d'aua persa, d'installaziuns da magasinaziun e da stabiliments per la preparaziun tecnica dal ladim natiral e dal material digerì liquid

¹¹ Versiun tenor la cifra 6 da l'aggiunta tar la LF dals 22 da mars 2013, en vigur dapi il 1. da schaner 2014 (CULF 2013 3463 3863; Fegl uffizial federal 2012 2075)

¹² CS 910.1

¹³ Versiun tenor la cifra 6 da l'aggiunta tar la LF dals 22 da mars 2013, en vigur dapi il 1. da schaner 2014 (CULF 2013 3463 3863; Fegl uffizial federal 2012 2075)

¹⁴ Versiun tenor la cifra I da la LF dals 24 da mars 2006, en vigur dapi il 1. da schaner 2007 (CULF 2006 4287; Fegl uffizial federal 2005 937)

sco er da silos da pavel setg procuran che quests stabiliments vegnian construids, utilisads, tgirads e mantegnids adequatamain.¹⁵ Il funcziunament da stabiliments d'aua persa e da stabiliments per la preparaziun tecnica da ladim sto vegnir controllà regularmain.

² L'autorità chantunala procura che quests stabiliments vegnian controllads periodicamain.

Art. 16 Prescripziuns dal Cussegl federal davart il tractament da l'aua persa e davart la controlla da stabiliments

Il Cussegl federal fixescha las pretensiuns envers:

- a. l'inducziun en chanasaziuns;
- b. deviazions spezialas che derivan da process da producziun;
- c. la caratteristica, la reutilisaziun e l'allontanament da las restanzas che derivan da las sereneras;
- d. la controlla da stabiliments e d'installaziuns;
- e. la reutilisaziun d'aua persa che deriva da la preparaziun dal ladim natiral.

3. secziun:

Premisas areguard l'allontanament da l'aua persa per survegnir permissiuns da construcziun

Art. 17 Princip

Permissiuns per construir u per midar edificizis dastgan mo vegnir dadas, sche:

- a. igl è garantì en il sector da chanasaziuns publicas che l'aua persa vegn inducida en la chanasaziun (art. 11 al. 1) u reutilisada en l'agricultura (art. 12 al. 4);
- b. l'allontanament adequat da l'aua persa smerdada è garantì ordaifer il sector da chanasaziuns publicas tras proceduras spezialas (art. 13 al. 1); il post spezialisà chantunal per la protecziun da las auas sto vegnir consultà;
- c. igl è garantì che l'aua persa, che n'è betg adattada da vegnir tractada en ina serenera centrala, vegn allontanada en moda adequata (art. 12 al. 2).

Art. 18 Excepziuns

¹ Per edificizis e stabiliments pli pitschens che sa chattan en il sector da chanasaziuns publicas, ma che na pon betg anc vegnir colliads cun la chanasaziun per motivs stringents, dastga la permissiun da construcziun vegnir concedida pir, cur che la colliaziun è pussaivla a curta vista e sche l'aua persa vegn allontanada en il fratemp

¹⁵ Versiun tenor la cifra 6 da l'agiunta tar la LF dals 22 da mars 2013, en vigur dapi il 1. da schaner 2014 (CULF 2013 3463 3863; Fegl uffizial federal 2012 2075)

en in'otra moda cuntentaivla. Avant che l'autorità dat la permissiun, consultescha ella il post spezialisà chantunal per la protecziun da las auas.

² Il Cussegl federal po precisar las premissas.

4. secziun: Mesiras da protecziun en la planisaziun

Art. 19 Secturs da protecziun da las auas

¹ Ils chantuns dividan lur territori en secturs da protecziun da las auas tenor la periclitaziun da las auas sur e sut terra. Il Cussegl federal decretescha las prescripziuns necessarias.

² En ils secturs spezialmain periclitads dovri ina permissiun chantunala per construir e per midar edifizis e stabiliments sco er per far lavurs da stgavament, da moviment da terratsch e lavurs sumegliantas, sche quai pudess periclitir las auas.¹⁶

Art. 20 Zonas da protecziun da l'aua sutterrana

¹ Ils chantuns determineschan zonas da protecziun per las tschiffadas d'aua sutterrana e per ils stabiliments per concentrar aua sutterrana ch'èn en l'interess public; els fixeschan las restricziuns necessarias da la proprietad.

² Ils possessurs da tschiffadas d'aua sutterrana ston:

- a. far las retschertgas necessarias per cunfinar las zonas da protecziun;
- b. acquistar ils dretgs reals necessaris;
- c. surpigliar eventualas indemnizaziuns per restricziuns da la proprietad.

Art. 21 Areal da protecziun da l'aua sutterrana

¹ Ils chantuns determineschan areals ch'èn d'importanza per utilizar e per concentrar en l'avegnir resursas d'aua sutterrana. Sin quests areals na dastgan vegnir construids nagins edifizis e stabiliments ed exequidas naginas lavurs che pudessan disturbar en l'avegnir ils stabiliments per utilizar e per concentrar aua sutterrana.

² Ils chantuns pon adossar las indemnizaziuns per restricziuns da la proprietad als possessurs futurs da tschiffadas d'aua sutterrana e da stabiliments per concentrar aua sutterrana.

¹⁶ Versiun tenor la cifra I da la LF dals 24 da mars 2006, en vigur dapi il 1. da schaner 2007 (CULF 2006 4287; Fegl uffizial federal 2005 937)

5. secziun: Tractament da liquids che pericliteschan las auas

Art. 22¹⁷ Pretensiuns generalas

¹ Ils possessurs da stabiliments che cuntegnan liquids che pericliteschan las auas ston procurar che las ovras ed ils apparats necessaris per proteger las auas vegnian construids, controllads regularmain sco er utilisads e tgirads en moda irrepeschabla. Stabiliments da magasinaziun ch'èn sutmesses a l'obligaziun da dumandar ina permissiun (art. 19 al. 2) ston vegnir controllads almain mintga 10 onns; tut tenor la periclitaziun da las auas fixescha il Cussegl federal intervals da controlla per ulteriurs stabiliments.

² En stabiliments da magasinaziun e sin plazzas da transtgargiada stoi esser garanti che perditas da liquid vegnian impedidas, identifitgadas facilmain e retegnidas.

³ Stabiliments che cuntegnan liquids che pericliteschan las auas dastgan vegnir construids, midads, controllads, emplenids, tgirads, svidads e mess ord funcziun mo da persunas che garanteschan – sin basa da lur scolaziun, da lur equipment e da lur experientscha – ch'il stadi da la tecnica vegnia observà.

⁴ Tgi che producescha parts da stabiliments sto controlar che quellas correspundian al stadi da la tecnica e documentar ils resultats da la controlla.

⁵ Sche stabiliments da magasinaziun che cuntegnan liquids che pericliteschan las auas vegnan construids, midads u mess ord funcziun, ston ils possessurs dals stabiliments annunziar quai al chantun tenor las ordinaziuns chantunalas.

⁶ Sch'il possessur d'in stabiliment che cuntegna liquids che pericliteschan las auas ubain sche las persunas che han l'incumbensa d'utilisar u da tgirar il stabiliment constateschan ina perdita da liquid, annunzian els quai immediatamain a la polizia da protecziun da las auas. Els prendan da sai anor las mesiras che pon vegnir pretendidas dad els per impedir il privel da contaminar las auas.

⁷ Ils alineas 2–5 na valan betg per stabiliments che na pon betg periclitare las auas u che pon periclitare mo minimalmain las auas.

Art. 23¹⁸

Art. 24 Reservuars da caverna

Liquids che pericliteschan las auas na dastgan betg vegnir deponids en reservuars da caverna sut terra, sch'els vegnan en contact direct cun l'aua sutterrana.

Art. 25 Substanzas che pon daventar liquids che pericliteschan las auas

Ils artigels 22 e 24 valan tenor il senn per substanzas che pon daventar liquids che pericliteschan las auas, sch'ellas vegnan maschadadas cun liquids.

¹⁷ Versiun tenor la cifra I da la LF dals 24 da mars 2006, en vigor dapi il 1. da schaner 2007 (CULF 2006 4287; Fegl uffizial federal 2005 937)

¹⁸ Aboli tras la cifra I da la LF dals 24 da mars 2006, en vigor dapi il 1. da schaner 2007 (CULF 2006 4287; Fegl uffizial federal 2005 937)

Art. 26¹⁹**6. secziun: Cultivaziun dal terren e mesiras a favur da las auas****Art. 27** Cultivaziun dal terren

¹ Ils terrens ston vegnir cultivads tenor il stadi da la tecnica uschia, che las auas na vegnan betg donnegiadas, en spezial betg tras il schlavament e l'erosiun da ladims e da meds per tractar plantas.

² Il Cussegl federal po decretar las prescripziuns necessarias.

Art. 28 Mesiras a favur da las auas

Sche las mesiras tenor ils artigels 7–27 na bastan betg per ademplir las pretensiuns envers la qualitat da las auas (art. 9 al. 1), procura il chantun ch'i vegnian prendidas ulteriuras mesiras a favur da questas auas.

2. chapitel: Garanzia da quantitads d'aua restanta adequatas**Art. 29** Permissiun

Ina permissiun è necessaria per prelevar aua sur il diever ordinari ora:

- or d'ina aua currenta cun deflussiun permanenta;
- or da lais u or da resursas d'aua sutterrana che influenzeschan fermamain la deflussiun d'ina aua currenta cun deflussiun permanenta.

Art. 30 Premissas per la permissiun

La prelevaziun po vegnir permessa sut las suandantas cundiziuns:

- las pretensiuns tenor ils artigels 31–35 èn ademplidas;
- ensembl cun otras prelevaziuns vegnan prelevads d'ina aua currenta maximalmain 20 pertschient da la quantitat da deflussiun Q_{347} e betg dapli che 1000 l/s; u
- per il provediment d'aua da baiver vegnan prelevads en la media annuala maximalmain 80 l/s d'ina funtauna e maximalmain 100 l/s da l'aua sutterrana.

Art. 31 Quantitad minimala d'aua restanta

¹ Tar prelevaziuns d'aua or d'auas currentas cun deflussiun permanenta sto la quantitat d'aua restanta importar almain:

¹⁹ Aboli tras la cifra I da la LF dals 24 da mars 2006, en vigur dapi il 1. da schaner 2007 (CULF 2006 4287; Fegl uffizial federal 2005 937)

fin ad ina quantidad da deflussiun Q_{347} da 60 l/s	50 l/s
e per mintga 10 l/s che questa quantidad è pli gronda	8 l/s
per ina quantidad da deflussiun Q_{347} da 160 l/s	130 l/s
e per mintga 10 l/s che questa quantidad è pli gronda	4,4 l/s dapli,
per ina quantidad da deflussiun Q_{347} da 500 l/s	280 l/s
e per mintga 100 l/s che questa quantidad è pli gronda	31 l/s dapli,
per ina quantidad da deflussiun Q_{347} da 2500 l/s	900 l/s
e per mintga 100 l/s che questa quantidad è pli gronda	21,3 l/s dapli,
per ina quantidad da deflussiun Q_{347} da 10 000 l/s	2 500 l/s
e per mintga 1000 l/s che questa quantidad è pli gronda	150 l/s dapli,
a partir d'ina quantidad da deflussiun Q_{347} da 60 000 l/s	10 000 l/s.

² La quantidad d'aua restanta calculada tenor l'alineia 1 sto vegnir augmentada, sche las suandantas pretensiuns n'èn betg ademplidas e na pon betg vegnir ademplidas tras autras mesiras:

- la qualitat prescritta per las auas da surfatscha sto vegnir mantegnida malgrà la prelevaziun d'aua e malgrà inducziuns existentas d'aua persa;
- las resursas d'aua sutterrana ston vegnir alimentadas er vinavant uschia, che la producziun d'aua da baiver è pussaivla en la dimensiun necessaria e che la bilantscha d'aua da terrens utilisads da l'agricultura vegn disturbada mo minimalmain;
- ils biotops rars e las biocenosas raras che dependan directamain u indirectamain dal tip e da la grondezza da l'aua ston vegnir mantegnids u ston – sch'i na s'opponan nagins motivs stringents – vegnir remplazzads sche pussaivel tras biotops e tras biocenosas da medema valur;
- la profunditad da l'aua ch'è necessaria per ch'ils peschs possian migrar libramain sto vegnir garantida;
- en auas currentas cun ina quantidad da deflussiun Q_{347} fin a 40 l/s, ch'èn situadas sut 800 m sur mar e che servan als peschs sco plazzas da fregar u sco lieus per trair si lur giuvens, ston questas funcziuns esser garantidas er vinavant.

Art. 32 Excepziuns

En ils suandants cas pon ils chantuns fixar quantitads minimalas d'aua restanta pli bassas:

- ²⁰ sche la quantidad da deflussiun Q_{347} da l'aua è pli pitschna che 50 l/s: sin in traject da 1000 m sut il lieu da prelevaziun or d'ina aua ch'è situada sur 1700 m sur mar u or d'ina aua senza peschs ch'è situada tranter 1500 e 1700 m sur mar;
- en cas da prelevaziuns or d'auas senza peschs fin ad ina deflussiun d'aua restanta da 35 pertschient da la quantidad da deflussiun Q_{347} ;

²⁰ Versiun tenor la cifra I da la LF dals 11 da december 2009 (renaturalisaziun), en vigur dapi il 1. da schaner 2011 (CULF 2010 4285; Fegl uffizial federal 2008 8043 8079)

- b^{bis}.²¹ sin in trajet da 1000 m sut il lieu da prelevaziun or da trajects d'aua cun in pitschen potenzial ecologic, uschenavant che las funcziuns natiralas da l'aua vegnan disturbadas mo minimalmain;
- c. en il rom d'ina planisaziun da protecziun e d'utilisaziun per in territori limità e topograficamain coerent, uschenavant ch'igl ha lieu ina cumpensaziun correspondententa en il medem territori tras mesiras adattadas, sco la renunzia ad autras prelevaziuns d'aua; la planisaziun da protecziun e d'utilisaziun sto vegnir approvada dal Cussegl federal;
- d. per prelevaziuns da durada limitada en cas d'urgenza, en spezial per il provediment d'aua da baiver, per stizzar fieu u per la sauaziun agricula.

Art. 33 Augment da la quantidad minimala d'aua restanta

¹ L'autorità augmenta la quantidad minimala d'aua restanta en quella dimensiun che resulta sin basa d'ina consideraziun dals interess per e cunter la prelevaziun d'aua previsa.

² Interess per ina prelevaziun d'aua èn en spezial:

- ils interess publics, als quals la prelevaziun duai servir;
- ils interess economics da la regiun danunder che l'aua deriva;
- ils interess economics da la persuna che vul prelevar l'aua;
- il provediment d'energia, sche l'aua duai vegnir prelevada per quest intent.

³ Interess cunter ina prelevaziun d'aua èn en spezial:

- l'impurtanza da l'aua sco element da la cuntrada;
- l'impurtanza da l'aua sco biotop per la fauna e la flora che dependan da l'aua, inclusiv lur ritgezza da las spezias, en spezial er per la fauna dals peschs, per il retgav da la pestga e per la reproducziun natirala dals peschs;
- il mantegniment d'ina deflussiun che basta per ademplir a lunga vista las pretensiuns envers la qualidad da las auas;
- il mantegniment d'ina bilantscha equilibrada da l'aua sutterrana che garantescha la producziun futura d'aua da baiver, l'utilisaziun dal terren usitada al lieu ed ina vegetaziun conform al lieu;
- la garanzia da la sauaziun agricula.

⁴ Tgi che vul prelevar aua, sto suttametter a l'autorità in rapport:

- davart las consequenzas che prelevaziuns d'aua da differenta dimensiun han per ils interess a favur da la prelevaziun d'aua, en spezial per la producziun d'energia electrica e per ses custs;
- davart las restricziuns previsiblas dals interess cunter ina prelevaziun d'aua e davart las mesiras pussaivlas per impedir questas restricziuns.

²¹ Integrà tras la cifra I da la LF dals 11 da december 2009 (renaturalisaziun), en vigur dapi il 1. da schaner 2011 (CULF 2010 4285; Fegl uffizial federal 2008 8043 8079)

Art. 34 Prelevaziuns d'aua or da lais ed or da resursas d'aua sutterrana

Sch'i vegn prelevà aua d'in lai u d'ina resursa d'aua sutterrana e sche quai influenzescha fermamain la deflussiun d'ina aua currenta, sto l'aua currenta vegnir protegida conform al senn tenor ils artitgels 31–33.

Art. 35 Decisiun da l'autorità

¹ L'autorità fixescha en il cas singul la quantitat d'aua da dotaziun e las autras mesiras ch'èn necessarias per proteger las auas sut il lieu da prelevaziun.

² Ella po fixar differentas quantitats d'aua da dotaziun per tscherts temps. La quantitat d'aua tenor ils artitgels 31 e 32 na dastga betg vegnir sutpassada.

³ Avant sia decisiun consultescha l'autorità ils posts spezialisads interessads; en cas da prelevaziuns destinadas ad ovras idraulicas d'ina prestaziun brutta da passa 300 kW consultescha ella er la Confederaziun.

Art. 36 Controlla da la quantitat d'aua da dotaziun

¹ Tgi che preleva aua, sto cumprovar a l'autorità cun agid da mesiraziuns ch'el mantegna la quantitat d'aua da dotaziun. Sch'ils custs n'èn betg raschunavels, po el furnir la cumprova cun calcular la bilantscha d'aua.

² Sch'el cumprova che la quantitat d'aua affluenta è temporarment pli pitschna che la quantitat d'aua da dotaziun fixada, sto el restituir durant quest temp mo tanta aua da dotaziun sco quai ch'igl affluescha.

3. chapitel: Impediment ed eliminaziun d'autras influenzas nuschaivlas sin las auas²²**Art. 36a²³** Spazi d'auas

¹ Suenter avair consultà ils circuls pertutgads fixeschan ils chantuns il basegn da spazi necessari per las auas sur terra (spazi d'auas) per garantir il suandant:

- a. las funcziuns naturalas da las auas;
- b. la protecziun cunter aua gronda;
- c. l'utilisaziun da las auas.

² Il Cussegl federal regla ils detagls.

³ Ils chantuns procuran ch'il spazi d'auas vegnia resguardà en la planisaziun directiva ed en la planisaziun d'utilisaziun e ch'el vegnia furnà e cultivà en moda extensiva. Il spazi d'auas na vala betg sco surfatscha cun culturas alternantas. Ina

²² Oriundamain art. 37. Versiun tenor la cifra I da la LF dals 11 da december 2009 (renaturalisaziun), en vigur dapi il 1. da schaner 2011 (CULF 2010 4285; Fegl uffizial federal 2008 8043 8079)

²³ Integrà tras la cifra I da la LF dals 11 da december 2009 (renaturalisaziun), en vigur dapi il 1. da schaner 2011 (CULF 2010 4285; Fegl uffizial federal 2008 8043 8079)

perdita da surfatschas cun culturas alternantas vegn cumpensada tenor las prescripziuns da la planisaziun secturiala da la Confederaziun conform a l'artitgel 13 da la Lescha dals 22 da zercladur 1979²⁴ davart la planisaziun dal territori.

Art. 37 Construir rempars e curreger auas currentas

¹ Auas currentas dastgan mo vegnir messas en rempars u curregidas:

- a.²⁵ sche la protecziun d'umans e da valurs materialas considerablas pretenda quai (art. 3 al. 2 da la Lescha federala dals 21 da zercladur 1991²⁶ davart la correcziun dals curs d'aua);
- b. sche quai è necessari per far navigabels curs d'aua u per utilizar las forzas idraulicas en l'interess public;
- b^{bis}.²⁷ sche quai è necessari per endrizzar ina deponia che po vegnir endrizzada mo al lieu previs e sin la quala i vegn deponi mo material da stgavament, da rumida e d'exchavaziun nunsmerdà;
- c. sch'il stadi d'ina aua ch'è gia messa en rempars u curregida po vegnir meglierà en il senn da questa lescha.

² En il rom da questas intervenziuns sto il curs natural da l'aua sche pussaivel vegnir mantegnì u restabili. Las auas ed il spazi d'auas ston vegnir furmads uschia:²⁸

- a. ch'els pon servir sco biotops per ina fauna e flora multifara;
- b. che las interacziuns tranter las auas sur e sut terra vegnan mantegnidas per gronda part;
- c. che la vegetaziun da las rivas po sa sviluppar conform al lieu.

³ En territoris surbajegiads po l'autorità permetter excepziuns da l'alinea 2.

⁴ Per stgaffir auas currentas artificialas vala l'alinea 2 tenor il senn.

Art. 38 Cuvrir u chanalisar auas currentas

¹ Auas currentas na dastgan betg vegnir cuvridas u chanalisadas.

² L'autorità po permetter excepziuns per:

- a. chanals da stgargiada d'aua gronda e chanals da sauaziun;
- b. surpassadis dal traffic;
- c. surpassadis da las vias agriculas e forestalas;
- d. pitschens foss d'allontanament da l'aua cun deflussiun temporara;

²⁴ CS 700

²⁵ Versiun tenor la cifra I da la LF dals 22 da mars 2013, en vigor dapi il 1. d'avust 2013 (CULF 2013 2339; Fegl uffizial federal 2012 9407 9415)

²⁶ CS 721.100

²⁷ Integrà tras la cifra I da la LF dals 22 da mars 2013, en vigor dapi il 1. d'avust 2013 (CULF 2013 2339; Fegl uffizial federal 2012 9407 9415)

²⁸ Versiun tenor la cifra I da la LF dals 11 da december 2009 (renaturalisaziun), en vigor dapi il 1. da schaner 2011 (CULF 2010 4285; Fegl uffizial federal 2008 8043 8079)

- e. remplazzar cuvertas u chanals existents, premess ch'ina deflussiun averta na saja betg pussaivla u portia dischavantatgs considerabels per l'utilisaziun agricula.

Art. 38a²⁹ Revitalisaziun da las auas

¹ Ils chantuns procuran per la revitalisaziun da las auas. En quest connex resguardan els il niz per la natira e per la cuntrada sco er las consequenzas economicas che resultan da la revitalisaziun.

² Els planiseschan las revitalisaziuns e fixeschan in urari per realisar quellas. Els procuran che questa planisaziun vegnia resguardada en la planisaziun directiva ed en la planisaziun d'utilisaziun. Ina perdita da surfatschas cun culturas alternantas vegn cumpensada tenor las prescripziuns da la planisaziun sectoriala da la Confederaziun confirm a l'artitgel 13 da la Lescha dals 22 da zercladur 1979³⁰ davart la planisaziun dal territori.

Art. 39 Deposit da substanzas solidas en ils lais

¹ Igl è scumandà da deponer substanzas solidas en ils lais, er sch'ellas na pon betg contaminar l'aua.

² L'autorità chantunala po permetter mantunadas:

- a. per edifizis en territoris surbajegiads che na pon betg vegnir construids en in auter lieu, sche interess publics predominants pretendan ina mantunada e sche l'intent giavischà na po betg vegnir cuntanschi autramain;
- b. sche quai permetta da megliaer ina zona d'aua bassa.

³ Las mantunadas ston vegnir furmadas en moda uschè natirala sco pussaivel, e la vegetaziun da las rivas destruida sto vegnir remplazzada.

Art. 39a³¹ Undadas e sbassaments

¹ Midadas artificialas andetgas da la deflussiun da l'aua (undadas e sbassaments), che han consequenzas considerablas per la fauna e la flora indigena sco er per lur biotops, ston vegnir impedidas u eliminadas dals possessurs d'ovras idraulicas cun agid da mesiras architectonicas. Sin dumonda dal possessur d'ina ovra idraulica po l'autorità er ordinar mesiras da manaschi empè da mesiras architectonicas.

² Las mesiras sa drizzan tenor:

- a. la grevezza da las consequenzas per l'aua;
- b. il potenzial ecologic da l'aua;
- c. la proporziunalità dals custs;

²⁹ Integrà tras la cifra I da la LF dals 11 da december 2009 (renaturalisaziun), en vigur dapi il 1. da schaner 2011 (CULF 2010 4285; Fegl uffizial federal 2008 8043 8079)

³⁰ CS 700

³¹ Integrà tras la cifra I da la LF dals 11 da december 2009 (renaturalisaziun), en vigur dapi il 1. da schaner 2011 (CULF 2010 4285; Fegl uffizial federal 2008 8043 8079)

- d. ils interess da la protecziun cunter aua gronda;
- e. las finamiras da la politica d'energia areguard la promoziun da las energias regenerablas.

³ En l'intschess da l'aua pertutgada ston las mesiras vegnir coordinadas ina cun l'otra suenter avair consultà ils possessurs da las ovras idraulicas pertutgadas.

⁴ Ils batschigls da gulivaziun che vegnan construids applitgond l'alinea 1 dastgan vegnir utilisads per l'accumulaziun a pompa, senza che la concessiun stoppia vegnir midada.

Art. 40 Derschentar e svidar zonas da retegnida

¹ Il possessur d'in stabiliment d'accumulaziun procura sche pussaivel che la fauna e la flora da l'aua sut il stabiliment na vegnian betg donnegiadas cun derschentar e cun svidar il stabiliment u cun controllar ils indrizs per laschar giu aua ed ils indrizs da stgargiada d'aua gronda.

² El dastga derschentar e svidar il stabiliment mo cun ina permissiun da l'autorità chantunala. L'autorità da permissiun consultescha ils posts spezialisads interessads. Sch'i dovra derschentadas e svidadas periodicas per mantegnair la segirezza dal manaschi, fixescha l'autorità mo il termin e la moda da la realisaziun.

³ Sch'il possessur sto sbassar immediatamain il lai d'accumulaziun per motivs da segirezza en cas d'eveniments extraordinaris, orientescha el immediatamain l'autorità da permissiun.

Art. 41 Material d'alluviuns tar stabiliments d'accumulaziun

¹ Tgi che retegna in'aua, na dastga betg remetter en quella material d'alluviuns ch'el ha prelevà da l'aua per motivs da manaschi. L'autorità po permetter excepziuns.

² Il possessur dal stabiliment d'accumulaziun sto rimnar periodicamain il material d'alluviuns en il sector da ses stabiliments tenor las ordinaziuns da l'autorità.

Art. 42 Prelevaziun ed inducziun d'aua u d'aua persa

¹ Sch'i vegn prelevà u induci aua tar in lai natural, na dastgi dar naginas midadas essenzialas da la stratificaziun e dals currents en il lai ed er naginas midadas dal level da l'aua che pudessan donnegiar il sector da la riva.

² Tar in'aua currenta ston la moda ed il lieu da l'inducziun d'aua u d'aua persa vegnir tschernids uschia, ch'i na dovra sche pussaivel nagins rempars e naginas correcciuns.

Art. 43 Mantegniment da resursas d'aua sutterrana

¹ Ils chantuns procuran ch'i na vegnia betg prelevà a lunga vista dapli aua d'ina resursa d'aua sutterrana che quai ch'igl affluescha. A curta vista dastga vegnir prelevà dapli aua, sche la qualità da l'aua sutterrana e la vegetaziun na vegnan betg donnegiadas.

² Sch'ina resursa d'aua sutterrana è donnegiada pervia d'ina prelevaziun excessiva u pervia d'ina alimentaziun reducida, procura il chantun ch'il stadi vegnia megliera uschenavant sco pussaivel, saja quai tras la reducziun da la prelevaziun, tras ina concentraziun artificziala u tras l'accumulaziun sutterrana d'aua da baiver.

³ Resursas d'aua sutterrana na dastgan betg vegnir colliadas permanentamain ina cun l'otra, sche la quantidad u la qualidad da l'aua sutterrana pudess vegnir donnegiada qua tras.

⁴ Las construcziuns na dastgan betg restrenscher considerablamain e permanentamain il volumen d'accumulaziun ed il scul da resursas utilisablas d'aua sutterrana.

⁵ Tar stabiliments d'accumulaziun da pitschna autezza dastgan l'aua sutterrana e la vegetaziun che dependa dal nivel da l'aua sutterrana vegnir disturbadas mo minimalmain. Per stabiliments existents po l'autoridad permetter excepziuns.

⁶ Sche l'allontanament da l'aua d'in territori chaschuna in sbassament dal nivel da l'aua sutterrana sin ina gronda surfatscha, è quest allontanament mo admissibel, sche l'utilisaziun agricula na po betg vegnir garantida autramain.

Art. 43a³² Bilantscha da gera

¹ Stabiliments na dastgan betg midar la bilantscha da gera en l'aua uschia, che quai ha consequenzas considerablas per la fauna e la flora indigena, per lur biotops, per la bilantscha da l'aua sutterrana e per la protecziun cunter aua gronda. Ils possessurs dals stabiliments prendan mesiras adequatas en quest connex.

² Las mesiras sa drizzan tenor:

- a. la grevezza da las consequenzas per l'aua;
- b. il potenzial ecologic da l'aua;
- c. la proporziunalidad dals custs;
- d. ils interess da la protecziun cunter aua gronda;
- e. las finamiras da la politica d'energia areguard la promoziun da las energias regenerablas.

³ En l'intschess da l'aua pertutgada ston las mesiras vegnir coordinadas ina cun l'otra suenter avair consultà ils possessurs dals stabiliments pertutgads.

Art. 44 Explotaziun da gera, da sablun e d'auter material

¹ Tgi che vul explotar gera, sablun u auter material ubain far stgavaments preparatorics per quest intent dovra ina permissiun.

² La permissiun per talas lavurs na dastga betg vegnir dada:

- a. en zonas da protecziun da l'aua sutterrana;

³² Integrà tras la cifra I da la LF dals 11 da december 2009 (renaturalisaziun), en vigur dapi il 1. da schaner 2011 (CULF 2010 4285; Fegl uffizial federal 2008 8043 8079)

- b. sut il nivel da l'aua sutterrana tar ina resursa d'aua sutterrana ch'è adattada quantitativamain u qualitativamain da vegnir explotada;
- c. en auas currentas, sche la bilantscha da gera vegn influenzada en moda negativa.

³ Tar ina resursa d'aua sutterrana ch'è adattada quantitativamain u qualitativamain da vegnir explotada po l'explotaziun vegnir permessa sur il nivel da l'aua sutterrana, sch'ina stresa protectiva da material vegn laschada sur il nivel maximal da l'aua sutterrana. La grossezza da questa stresa sto vegnir fixada tenor las relaziuns localas.

3. titel: Execuziun, procuraziun da las premissas, finanziaziun, promoziun e procedura³³

1. chapitel: Execuziun

1. secziun: Execuziun tras ils chantuns

Art. 45

Ils chantuns exequeschan questa lescha, nun che l'artitgel 48 surdettia questa incumbensa a la Confederaziun. Els decreteschan las prescripziuns necessarias.

2. secziun: Execuziun tras la Confederaziun

Art. 46 Surveglianza e coordinaziun

¹ La Confederaziun surveglia l'execuziun da questa lescha.

² Il Cussegl federal regla la coordinaziun:

- a. da las mesiras dals chantuns per la protecziun da las auas;
- b. tranter ils posts federals;
- c. tranter ils posts federals ed ils chantuns.

Art. 47 Prescripziuns executivas

¹ Il Cussegl federal decretescha las prescripziuns executivas.

² ...³⁴

³³ Versiun tenor la cifra I da la LF dals 20 da zercladur 1997, en vigor dapi il 1. da november 1997 (CULF 1997 2243; Fegl uffizial federal 1996 IV 1217)

³⁴ Aboli tras l'art. 12 cifra 3 da la LF dals 18 da mars 2005 davart la procedura da consultaziun, en vigor dapi il 1. da settember 2005 (CULF 2005 4099; Fegl uffizial federal 2004 533)

Art. 48³⁵ Cumpetenzas executivas da la Confederaziun

¹ L'autorità federala che exequescha in'otra lescha federala u in contract internaziunal è cumpetenta – ademplind questa incumbensa – er per exequir la Lescha federala davart la protecziun da las auas. Avant che prender ina decisiun lascha ella vegnir a pled ils chantuns pertutgads. L'Uffizi federal d'ambient³⁶ (uffizi federal)³⁷ ed ils ulteriurs posts federals coopereschon a l'execuziun tenor ils artitgels 62a e 62b da la Lescha federala dals 21 da mars 1997³⁸ davart l'organisaziun da la regenza e da l'administraziun.

² Sche la procedura tenor l'alinea 1 n'è betg adattada per tshertas incumbensas, regla il Cussegl federal l'execuziun tras ils posts federals pertutgads.

³ La Confederaziun exequescha las prescripziuns davart substanzas (art. 9 al. 2 lit. c); ella po engaschar ils chantuns per tshertas incumbensas parzialas.

⁴ Il Cussegl federal fixescha tge indicaziuns davart substanzas, che vegnan eruidas sin fundament d'autras leschas federalas, che ston vegnir messas a disposiziun a l'uffizi federal.

3. secziun: Disposiziuns spezialas davart l'execuziun**Art. 49** Posts spezialisads per la protecziun da las auas e polizia da protecziun da las auas

¹ Ils chantuns installeschan posts spezialisads per la protecziun da las auas. Els organiseschon la polizia da protecziun da las auas ed in servetsch cunter donnas.

² L'uffizi federal è il post spezialisà per la protecziun da las auas da la Confederaziun.

³ La Confederaziun ed ils chantuns pon engaschar corporaziuns da dretg public e persunas privatas per l'execuziun, en spezial per la controlla e per la surveglianza.

Art. 50³⁹ Infurmaziun e cussegliaziun

¹ La Confederaziun ed ils chantuns examineschan ils effects da las mesiras prendidas sin basa da questa lescha ed infurmeschan la publicità davart la protecziun da las auas e davart il stadi da las auas, en spezial:

³⁵ Versiun tenor la cifra I 15 da la LF dals 18 da zercladur 1999 davart la coordinaziun e la simplificaziun da las proceduras da decisiun, en vigur dapi il 1. da schaner 2000 (CULF 1999 3071; Fegl uffizial federal 1998 2591)

³⁶ La designaziun da l'unitad administrativa è vegnida adattada applitgond l'art. 16 al. 3 da l'Ordinaziun dals 17 da november 2004 davart las publicaziuns uffizialas (CS 170.512.1)

³⁷ Noziun tenor la cifra 5 da l'aggiunta tar la LF dals 21 da mars 2003 davart la tecnica genetica, en vigur dapi il 1. da schaner 2004 (CULF 2003 4803; Fegl uffizial federal 2000 2391). Questa midada è resguardada en l'entir decret

³⁸ CS 172.010

³⁹ Versiun tenor l'art. 2 cifra 2 dal COF dals 27 da settember 2013 (Convenziun d'Aarhus), en vigur dapi il 1. da zercladur 2014 (CULF 2014 1021; Fegl uffizial federal 2012 4323)

- a. publitgeschan els las retschertgas davart il success da las mesiras prendidas sin basa da questa lescha;
- b. pon els publitgar ils resultats da las retschertgas e da las controllas en las auas privatas e publicas (art. 52) sunter avair consultà las persunas perturgadas, sche quai è d'in interess general.

² Resalvads restan interess privats e publics predominants da mantegnair il secret; il secret da fabricaziun e da fatschenta resta en mintga cas garanti.

³ Ils posts spezialisads per la protecziun da las auas cusseglian autoritads e persunas privatas. Els recumondan mesiras per impedir e per sminuir influenzas nuschaiplas sin las auas.

Art. 51 Cussegliaziun en dumondas da ladim

Per exequir ils artitgels 14 e 27 procuran ils chantuns ch'i vegnia endrizzada ina cussegliaziun.

Art. 52 Obligaziun da tolerar ed obligaziun da discreziun

¹ Las autoritads federalas e chantunalas pon far retschertgas en las auas privatas e publicas. Ellas pon far las installaziuns necessarias e controllar ils stabiliments. Ils proprietaris dals bains immobigliars ed ils possessurs dals stabiliments ston permetter l'access a las persunas incumbensadas e las dar las infurmaziuns necessarias.

² Las persunas ch'èn incumbensadas cun l'execuziun da questa lescha sco er ils experts ed ils commembers da cumissiuns e da comités spezialisads suttastattan al secret d'uffizi.

³ ...40

Art. 53 Mesiras da sforz

Las autoritads pon far valair per forza las mesiras ch'ellas han ordinà. Sch'il dretg chantunal na cuntegna naginas prescripziuns u naginas prescripziuns pli severas, è applitgabel en la procedura chantunala l'artitgel 41 da la Lescha federala dals 20 da december 1968⁴¹ davart la procedura administrativa.

Art. 54 Custs per mesiras da segirezza e da reparaziun

Ils custs da las mesiras che las autoritads prendan per prevegnir ad in privel che smanatscha directamain per las auas sco er per constatar e per reparar in donn vegnan mess a quint al chaschunader.

⁴⁰ Aboli tras l'art. 2 cifra 2 dal COF dals 27 da settember 2013 (Convenziun d'Aarhus), en vigur dapi il 1. da zercladur 2014 (CULF 2014 1021; Fegl uffizial federal 2012 4323)

⁴¹ CS 172.021

Art. 55 Taxas da la Confederaziun

¹ La Confederaziun incassescha ina taxa per sias permissiuns e controllas sco er per ses servetschs speziala tenor questa lescha.

² Il Cussegl federal fixescha las tariffas.

Art. 56 Auas interchantunalas

¹ Sch'ina aua sur u sut terra concerna il territori da plirs chantuns, sto mintga chantun prender las mesiras ch'èn necessarias per proteger questa aua e ch'èn en l'interess dals auters chantuns.

² Sch'ils chantuns na pon betg sa cunvegnir areguard las mesiras, decida il Cussegl federal.

2. chapitel: Procuraziun da las premissas**Art. 57** Incumbensas da la Confederaziun

¹ La Confederaziun fa retschertgas d'interess naziunal davart:

- a. las relaziuns idrologicas;
- b. la qualitat da las auas sur e sut terra;
- c. il provediment d'aua da baiver;
- d. auters aspects da la protecziun da las auas.

² Ella po sa participar finanziailmain al svilup da stabiliments e da proceduras che gidan ad augmentar il stadi da la tecnica en l'interess general da la protecziun da las auas, en spezial cun mesiras a la funtauna.

³ Ella metta a disposiziun ils resultats e l'evaluaziun da las retschertgas a persunas interessadas.

⁴ Il Cussegl federal regla la realisaziun da las retschertgas e las evaluaziuns.

⁵ Ils posts federals relaschan directivas tecnicas e cusseglian ils posts da retschertga. Cunter quint pon els far lavurs idrologicas per auters posts u metter a disposiziun lur apparats per talas lavurs.

Art. 58 Incumbensas dals chantuns

¹ Ils chantuns fan las ulteriuras retschertgas ch'èn necessarias per exequir questa lescha. Els communitgeschan lur resultats als posts federals.

² Ils chantuns fan in inventari davart ils stabiliments dal provediment d'aua e davart las resursas d'aua sutterrana sin lur territori. L'inventari è public, nun che interess da la defensiu generala pretendian il secret.

Art. 59 Eruir la quantidad da deflussiun Q_{347}

Sch'i mancan resultats suffizients per eruir la quantidad da deflussiun Q_{347} d'ina aua, vegni fatg diever d'autras metodas sco observaziuns idrologicas e calculaziuns da model.

Art. 60 Obligaziun da l'autoridad d'infurmar

Avant ch'ina autoridad permetta ina intervenziun che po avair effects sin in'aua en la vischinanza d'in indriz per retschertgas idrologicas u per autras retschertgas, sto ella infurmar il post ch'è cumpetent per l'indriz.

3. chapitel:⁴² Finanziaziun

Art. 60a

¹ Ils chantuns procuran ch'ils custs per la construcziun, per la gestiun, per il mantegniment, per la sanaziun e per la substituziun da stabiliments d'aua persa che servan ad intents publics vegnian mess a quint als chaschunaders tras taxas u tras autras taglias. Concepend las taxas vegnan resguardads spezialmain:

- a. il gener e la quantidad da l'aua persa chaschunada;
- b. las amortisaziuns ch'èn necessarias per mantegnair la substanza dals stabiliments;
- c. ils tschains;
- d. il basegn d'investiziun ch'è planisà per las lavurs da mantegniment, da sanaziun e da substituziun sco er per las adattaziuns a las pretensiuns legalas e per las optimaziuns dal manaschi.

² Sche taxas che cuvran ils custs e che correspundan al princip dal chaschunader periclitassan l'allontanament ecologic da l'aua persa, po quel vegnir finanzia en in'otra moda e maniera uschenavant che quai è necessari.

³ Ils possessurs dals stabiliments d'aua persa ston far las retenziuns necessarias.

⁴ La basa per calcular las taxas è accessibla publicamain.

⁴² Integrà tras la cifra I da la LF dals 20 da zercladur 1997, en vigur dapi il 1. da november 1997 (CULF 1997 2243; Fegl uffizial federal 1996 IV 1217)

4. chapitel:⁴³ Promoziun

Art. 61⁴⁴ Stabiliments d'aua persa

¹ La Confederaziun conceda als chantuns en il rom dals credits deliberads e sin basa da las cunvegnas da program indemnizaziuns globalas per construir e per acquistar:

- a. stabiliments ed indrizs per eliminar nitrogen en sereneras centralas, sch'ellas servan ad ademplir cunvegnas internaziunalas u conclus d'organizaziuns internaziunalas che han l'intent da tegnair net las auas ordaifer la Svizra;
- b. chanalizaziuns che vegnan construidas empè da stabiliments e d'indrizs tenor la litera a.

² L'import da las indemnizaziuns sa drizza tenor la quantidad da nitrogen che vegn eliminada cun las mesiras tenor l'alinea 1.

Art. 62⁴⁵ Stabiliments per dismetter ruments

¹ La Confederaziun indemnisescha ils chantuns en il rom dals credits deliberads per construir ed acquistar stabiliments ed indrizs per dismetter ruments spezial, sche quests stabiliments ed indrizs èn d'interess naziunal.

² Ella indemnisescha ils chantuns finanzialmain debels e mez fermes en il rom dals credits deliberads per construir ed acquistar stabiliments ed indrizs per tractar u per utilizar ruments chasans, sche la decisiun da l'emprima istanza davart la construcziun dal stabiliment è vegnida prendida avant il 1. da november 1997. En cas da basegn po il Cussegl federal prolungar il termin fin maximalmain ils 31 d'october 1999 per quellas regiuns che na disponan anc betg da las capacitads necessarias.

^{2bis} Il dretg da survegnir contribuziuns federalas tenor l'alinea 2 vegn mantegnì, sche:

- a. la decisiun da l'emprima istanza davart la construcziun d'in stabiliment è vegnida prendida entaifer il termin prolungà;
- b. i sto vegnir permiss in nov stabiliment per motivs technics che na pon betg vegnir adossads al chantun;
- c. la nova decisiun da l'emprima istanza è vegnida prendida avant il 1. da november 2005;
- d. las lavurs da construcziun han cumenzà avant il 1. da november 2006.⁴⁶

⁴³ Oriundamain 3. chapitel

⁴⁴ Versiun tenor la cifra II 23 da la LF dals 6 d'october 2006 davart la refurma da la gulinaziun da finanzas e da la repartiziun da las incumbensas tranter la Confederaziun ed ils chantuns (NGF), en vigur dapi il 1. da schaner 2008 (CULF 2007 5779; Fegl uffizial federal 2005 6029)

⁴⁵ Versiun tenor la cifra I da la LF dals 20 da zercladur 1997, en vigur dapi il 1. da november 1997 (CULF 1997 2243; Fegl uffizial federal 1996 IV 1217). Vesair er la disp. fin. da questa midada a la fin da questa lescha

⁴⁶ Integrà tras la cifra I da la LF dals 8 d'october 2004, en vigur dapi il 1. d'october 2006 (CULF 2006 3859; Fegl uffizial federal 2003 8025 8043)

3 ...⁴⁷

4 Las indemnisaziuns importan:

- a. 25 pertschient dals custs imputabels per stabiliments ed indrizz tenor ils alineas 1 e 2;
- b. ...⁴⁸

Art. 62a⁴⁹ Mesiras da l'agricultura

¹ En il rom dals credits deliberads indemnisescha la Confederaziun mesiras da l'agricultura per impedir il schlavament e l'erosiun da substanzas, sche:

- a. las mesiras èn necessarias per ademplir las pretensiuns envers la qualitat da las auas sur e sut terra;
- b. il chantun pertutgà ha designà ils territoris, nua ch'igl èn necessarias las mesiras previsas, las qualas el ha accordà ina cun l'autra;
- c. las mesiras n'èn economicamain betg supportablas.

² L'import da las indemnisaziuns sa drizza tenor las characteristics e tenor la quantitat da las substanzas, da las qualas vegn impedi il schlavament e l'erosiun, sco er tenor ils custs da las mesiras che na vegnan betg indemnidas tras contribuziuns tenor la Lescha d'agricultura dals 29 d'avrigl 1998⁵⁰ u tenor la Lescha federala dal 1. da fanadur 1966⁵¹ davart la protecziun da la natira e da la patria.⁵²

3 ...⁵³

4 L'Uffizi federal d'agricultura conceda las indemnisaziuns sco contribuziuns globalas sin basa da cunvegns da program che vegnan fatgas cun ils chantuns per mintga territori, nua ch'igl èn necessarias mesiras. Per giuditgar, sch'ils programs garanteschan ina protecziun adequata da las auas, consultescha el l'Uffizi federal d'ambient. Ils chantuns repartan las indemnisaziuns als singuls posts che han il dretg da survegnir talas.⁵⁴

⁴⁷ Aboli tras la cifra II 33 da la LF dals 20 da mars 2008 davart la rectificaziun formala dal dretg federal, en vigur dapi il 1. d'avust 2008 (CULF 2008 3437; Fegl uffizial federal 2007 6121)

⁴⁸ Aboli tras la cifra II 33 da la LF dals 20 da mars 2008 davart la rectificaziun formala dal dretg federal, en vigur dapi il 1. d'avust 2008 (CULF 2008 3437; Fegl uffizial federal 2007 6121)

⁴⁹ Integrà tras la cifra 6 da l'aggiunta tar la Lescha d'agricultura dals 29 d'avrigl 1998, en vigur dapi il 1. da schaner 1999 (CULF 1998 3033; Fegl uffizial federal 1996 IV 1)

⁵⁰ CS 910.1

⁵¹ CS 451

⁵² Versiun tenor la cifra II 23 da la LF dals 6 d'october 2006 davart la refurma da la gulivaziun da finanzas e da la repartiziun da las incumbensas tranter la Confederaziun ed ils chantuns (NGF), en vigur dapi il 1. da schaner 2008 (CULF 2007 5779; Fegl uffizial federal 2005 6029)

⁵³ Aboli tras la cifra II 23 da la LF dals 6 d'october 2006 davart la refurma da la gulivaziun da finanzas e da la repartiziun da las incumbensas tranter la Confederaziun ed ils chantuns (NGF), en vigur dapi il 1. da schaner 2008 (CULF 2007 5779; Fegl uffizial federal 2005 6029)

⁵⁴ Versiun tenor la cifra II 23 da la LF dals 6 d'october 2006 davart la refurma da la gulivaziun da finanzas e da la repartiziun da las incumbensas tranter la Confederaziun ed

Art. 62b⁵⁵ Revitalisaziun da las auas

¹ En il rom dals credits deliberads e sin basa da las convegnas da program conceda la Confederaziun als chantuns indemniziuns sco contribuziuns globalas per planisar e per realisar mesiras per revitalisar auas.

² Per projects che chaschunan spezialmain gronds custs pon vegnir concedidas indemniziuns da cas a cas als chantuns.

³ L'import da las indemniziuns sa drizza tenor l'impurtanza da las mesiras per restabilir las funcziuns natiralas da las auas sco er tenor l'efficacitad da las mesiras.

⁴ Sch'il possessur è obligà da renaturalisar in stabiliment, na survegn el naginas contribuziuns.

⁵ Ils cultivaturs dal spazi d'auas vegnan indemnizads tenor la Lescha d'agricultura dals 29 d'avrigl 1998⁵⁶ per l'utilisaziun extensiva da lur surfatschas. Il preventiv d'agricultura sco er il rom da pajament correspondent vegnan auzads per quest intent.

Art. 62c⁵⁷ Planisaziun da la sanaziun en cas da midadas da la deflussiun da l'aua e da la bilantscha da gera

¹ En il rom dals credits deliberads conceda la Confederaziun als chantuns indemniziuns a la planisaziun tenor l'artitgel 83b, sche quella è vegnida inoltrada a la Confederaziun fin ils 31 da december 2014.

² Las indemniziuns importan 35 pertschient dals custs imputabels.

Art. 63⁵⁸ Premissas generalas per survegnir las indemniziuns

Las indemniziuns vegnan pajadas mo, sche la soluziun prevista sa basa sin ina planisaziun convegnenta, garantescha ina protecziun adequata da las auas, corresponda al stadi da la tecnica ed è economica.

Art. 64 Procuraziun da las premissas, scolaziun ed infurmaziun

¹ En il rom dals credits deliberads po la Confederaziun pagar als chantuns indemniziuns per eruir ils motivs da la qualitad insufficienta d'ina aua impurtanta en vista a las mesiras da sanaziun.⁵⁹

ils chantuns (NGF), en vigur dapi il 1. da schaner 2008 (CULF 2007 5779; Fegl uffizial federal 2005 6029)

⁵⁵ Integrà tras la cifra I da la LF dals 11 da december 2009 (renaturalisaziun), en vigur dapi il 1. da schaner 2011 (CULF 2010 4285; Fegl uffizial federal 2008 8043 8079)

⁵⁶ CS 910.1

⁵⁷ Integrà tras la cifra I da la LF dals 11 da december 2009 (renaturalisaziun), en vigur dapi il 1. da schaner 2011 (CULF 2010 4285; Fegl uffizial federal 2008 8043 8079)

⁵⁸ Versiun tenor la cifra I da la LF dals 20 da zercladur 1997, en vigur dapi il 1. da november 1997 (CULF 1997 2243; Fegl uffizial federal 1996 IV 1217)

⁵⁹ Versiun tenor la cifra II 23 da la LF dals 6 d'october 2006 davart la refurma da la gulivaziun da finanzas e da la repartiziun da las incumbensas tranter la Confederaziun ed ils chantuns (NGF), en vigur dapi il 1. da schaner 2008 (CULF 2007 5779; Fegl uffizial federal 2005 6029)

² Ella po conceder agids finanzials per scolar il personal spezialisà e per infurmar la populaziun.

³ En il rom dals credits deliberads po ella sustegnair l'elavuraziun d'inventaris chantunals davart ils stabiliments dal provediment d'aua e davart las resursas d'aua sutterrana tras indemnisaziuns sco er tras atgnas lavurs, sche:

- a. quests inventaris vegnan fatgs tenor las directivas federalas;
- b. las dumondas èn vegnidas inoltradas avant il 1. da november 2010.⁶⁰

⁴ Las prestaziuns da la Confederaziun importan maximalmain 40 pertschient dals custs.⁶¹

Art. 64a⁶² Garanzia cunter las ristgas

La Confederaziun po surpigliar ina garanzia cunter las ristgas tar stabiliments ed indrizs novs che permettian success. La garanzia na dastga betg surpassar 60 pertschient dals custs imputabels.

Art. 65⁶³ Finanziaziun

¹ L'Assamblea federala permetta cun in conclus federal simpel in credit general da durada limitada per la garanzia da contribuziuns.⁶⁴

² Cun in conclus federal simpel permetta ella mintgamai per 4 onns ils meds finanzials per pajar las indemnisaziuns ch'èn vegnidas garantidas da princip applitgond l'artitgel 13 alinea 6 da la Lescha da subvenziuns dals 5 d'october 1990⁶⁵.

³ Cun in credit d'impegn da plirs onns permetta ella l'import maximal fin al qual la Confederaziun dastga surpigliar garantias cunter las ristgas tenor l'artitgel 64a.

Art. 66 Restituziun

¹ Prestaziuns da la Confederaziun ch'èn vegnidas retratgas nungiustificadamain ston vegnir restituidas. Quai vala er, sch'in stabiliment u in indriz vegn utilisà per in auter intent che quel previs.

⁶⁰ Versiun tenor la cifra II 23 da la LF dals 6 d'october 2006 davart la refurma da la gulivaziun da finanzas e da la repartiziun da las incumbensas tranter la Confederaziun ed ils chantuns (NGF), en vigur dapi il 1. da schaner 2008 (CULF 2007 5779; Fegl uffizial federal 2005 6029)

⁶¹ Versiun tenor la cifra I da la LF dals 20 da zercladur 1997, en vigur dapi il 1. da november 1997 (CULF 1997 2243; Fegl uffizial federal 1996 IV 1217)

⁶² Integrà tras la cifra I da la LF dals 20 da zercladur 1997, en vigur dapi il 1. da november 1997 (CULF 1997 2243; Fegl uffizial federal 1996 IV 1217)

⁶³ Versiun tenor la cifra I da la LF dals 20 da zercladur 1997, en vigur dapi il 1. da november 1997 (CULF 1997 2243; Fegl uffizial federal 1996 IV 1217)

⁶⁴ Versiun tenor la cifra II 23 da la LF dals 6 d'october 2006 davart la refurma da la gulivaziun da finanzas e da la repartiziun da las incumbensas tranter la Confederaziun ed ils chantuns (NGF), en vigur dapi il 1. da schaner 2008 (CULF 2007 5779; Fegl uffizial federal 2005 6029)

⁶⁵ CS 616.1

² Ils dretgs da la Confederaziun scadan 5 onns suenter lur constituiziun.

5. chapitel:⁶⁶ Procedura

Art. 67⁶⁷ Giurisdicziun

La procedura da recurs sa drizza tenor las disposiziuns generalas da la giurisdicziun federala.

Art. 67a⁶⁸ Dretg da recurs da las autoritads

¹ L'uffizi federal è autorisà da far valair ils meds legals dal dretg federal e chantunal cunter disposiziuns da las autoritads chantunales applitgond questa lescha e sias disposiziuns executivas.

² ...⁶⁹

Art. 68⁷⁰ Regruppament dal terren, expropriaziun e possess

¹ Sche l'execuziun da questa lescha pretenda quai e sche l'acquist direct n'è betg pussaivel, pon ils chantuns ordinar il regruppament dal terren. La Confederaziun ed ils chantuns pon acquistar ils dretgs necessaris en la procedura d'expropriaziun. Els pon surdar questa cumpetenzza a terzas persunas.

² La procedura d'expropriaziun vegn applitgada pir, cur che las stentas per in acquist direct u per in regruppament dal terren na cuntanschan betg las finamiras.

³ En lur prescripziuns executivas pon ils chantuns declerar che la Lescha federala dals 20 da zercladur 1930⁷¹ davart l'expropriaziun saja applitgbla e prevair che:

- a. la regenza chantunala decida davart protestas ch'èn restadas dispaivlas;
- b. il president da la Cumissiun federala da stimaziun possa permetter la procedura scursanida, sche las persunas ch'èn pertutgadas da l'expropriaziun pon vegnir determinadas exactamain.

⁴ Per ovras ch'èn situadas sin il territori da plirs chantuns vegn applitgà il dretg federal d'expropriaziun. Il Departament federal per ambient, traffic, energia e communicaziun decida davart l'expropriaziun.

⁶⁶ Oriundamain 4. chapitel

⁶⁷ Versiun tenor la cifra 92 da l'aggiunta tar la LF dals 17 da zercladur 2005 davart il Tribunal administrativ federal, en vigur dapi il 1. da schaner 2007 (CULF 2006 2197; Fegl uffizial federal 2001 4202)

⁶⁸ Integrà tras la cifra I 15 da la LF dals 18 da zercladur 1999 davart la coordinaziun e la simplificaziun da las proceduras da decisiun, en vigur dapi il 1. da schaner 2000 (CULF 1999 3071; Fegl uffizial federal 1998 2591)

⁶⁹ Aboli tras la cifra 92 da l'aggiunta tar la LF dals 17 da zercladur 2005 davart il Tribunal administrativ federal, en vigur dapi il 1. da schaner 2007 (CULF 2006 2197; Fegl uffizial federal 2001 4202)

⁷⁰ Versiun tenor la cifra I da la LF dals 11 da december 2009 (renaturalisaziun), en vigur dapi il 1. da schaner 2011 (CULF 2010 4285; Fegl uffizial federal 2008 8043 8079)

⁷¹ CS 711

⁵ Las surfatschas dal spazi d'auas che vegnan utilisadas restan sche pussaivel en possess dals purs. Ellas valan sco surfatschas per promover la biodiversitad.⁷²

4. titel:⁷³ ...

Art. 69

5. titel: Disposiziuns penalas⁷⁴

Art. 70 Delicts

¹ Cun in chasti da detenziun da fin a 3 onns u cun in chasti pecuniar vegn chastià, tgi che fa intenziunadamain il suandant:⁷⁵

- a. inducescha en moda illegala directamain u indirectamain substanzas che pon contaminar las auas, las lascha sfundrar u las depona u sterna ordaifer in l'aua e stgaffescha uschia il privel da contaminar l'aua (art. 6);
- b. sco possessur da stabiliments che cuntengnan liquids che pericliteschan las auas na construescha betg u na tegna betg en funcziun las ovras ed ils apparats ch'èn necessaris tenor questa lescha e contaminescha uschia l'aua u stgaffescha uschia il privel per ina contaminaziun (art. 22);
- c. n'observa betg las quantitads d'aua da dotaziun fixadas da las autoritads u na prenda betg las mesiras ordinadas per proteger l'aua sut il lieu da prelevaziun (art. 35);
- d. construescha rempars u curregia illegalmain in l'aua currenta (art. 37);
- e. cuvra u chanalisescha auas currentas senza permissiun u cuntrari a las cundiziuns d'ina permissiun concedida (art. 38);
- f. depona substanzas solidas en in lai senza permissiun da l'autorità chantunala u cuntrari a las cundiziuns d'ina permissiun concedida (art. 39 al. 2);
- g. explotescha gera, sablun u auter material senza permissiun u cuntrari a las cundiziuns d'ina permissiun concedida ubain fa stgavaments preparatorics per quest intent (art. 44).

⁷² Versiun tenor la cifra 6 da l'aggiunta tar la LF dals 22 da mars 2013, en vigur dapi il 1. da schaner 2014 (CULF 2013 3463 3863; Fegl uffizial federal 2012 2075)

⁷³ Aboli tras la cifra 2 da l'aggiunta tar la LF dals 21 da december 1995, en vigur dapi il 1. da fanadur 1997 (CULF 1997 1155; Fegl uffizial federal 1993 II 1445)

⁷⁴ Dapi il 1. da schaner 2007 ston ils chastis smanatschads ed ils termins da surannaziun vegnir interpretads resp. quintads applitgond l'art. 333 al. 2–6 dal Cudesch penal (CS 311.0) en la versiun da la LF dals 13 da december 2002 (CULF 2006 3459; Fegl uffizial federal 1999 1979)

⁷⁵ Versiun tenor la cifra II 2 da la LF dals 19 da mars 2010, en vigur dapi il 1. d'avust 2010 (CULF 2010 3233; Fegl uffizial federal 2009 5435)

² Sch'ìl delinquent agescha per negligentscha, vegn el chastia cun in chastì pecuniar fin a 180 taxas per di.⁷⁶

Art. 71 Surpassaments

¹ Cun ina multa fin a 20 000 francs vegn chastia, tgi che cuntrafa sapientivamain:⁷⁷

- a. en in'otra moda e maniera a questa lescha;
- b. ad ina disposiziun singula ch'è vegnida drizzada ad el renviond a la smanatscha da chastì previsa en quest artigel.

² Il delinquent vegn chastia cun ina multa, sch'el agescha per negligentscha.

³ La cumplicitad è chastiable.

⁴ ...⁷⁸

Art. 72 Applicaziun dal Cudesch penal

Sch'ina cuntravenziun cunter questa lescha ademplescha a medem temp il causal da l'artigel 234 dal Cudesch penal⁷⁹, è applitgabla mo questa disposiziun. Dal rest vegnan applitgadas ultra da las disposiziuns penals dal Cudesch penal er quellas da questa lescha.

Art. 73 Applicaziun dal dretg penal administrativ

Ìs artigels 6 e 7 da la Lescha federala dals 22 da mars 1974⁸⁰ davart il dretg penal administrativ valan conform al senn per acts chastiables tenor questa lescha.

6. titel: Disposiziuns finalas

1. chapitel: Aboliziun e midada dal dretg vertent

Art. 74 Aboliziun da la Lescha davart la protecziun da las auas

La Lescha federala dals 8 d'october 1971⁸¹ davart la protecziun da las auas cunter contaminaziun (Lescha federala davart la protecziun da las auas) vegn abolida.

⁷⁶ Versiun tenor la cifra II 2 da la LF dals 19 da mars 2010, en vigur dapi il 1. d'avust 2010 (CULF 2010 3233; Fegl uffizial federal 2009 5435)

⁷⁷ Versiun tenor la cifra II 2 da la LF dals 19 da mars 2010, en vigur dapi il 1. d'avust 2010 (CULF 2010 3233; Fegl uffizial federal 2009 5435)

⁷⁸ Aboli tras la cifra II 2 da la LF dals 19 da mars 2010, en vigur dapi il 1. d'avust 2010 (CULF 2010 3233; Fegl uffizial federal 2009 5435)

⁷⁹ CS 311.0

⁸⁰ CS 313.0

⁸¹ [CULF 1972 950, 1979 1573 art. 38, 1980 1796, 1982 1961, 1984 1122 art. 66 cifra 3, 1985 660 cifra I 51, 1991 362 cifra II 402 857 agiunta cifra 19, 1992 288 agiunta cifra 32]

Art. 75 Midadas da leschas federalas

...⁸²

2. chapitel: Disposiziuns transitoricas

1. secziun:

Allontanament d'aua persa nunsmerdada, installaziuns per magasinar ladim natural e material d'alluviuns tar stabiliments d'accumulaziun

Art. 76 Allontanament d'aua persa nunsmerdada

Ils chantuns procuran che – il pli tard 15 onns sunter l'entrada en vigur da questa lescha – l'effect d'ina serenera na vegnia betg pli restrenschi tras aua persa nunsmerdada che resulta cuntinuadamain (art. 12 al. 3).

Art. 77 Installaziuns per magasinar ladim natural

Ils chantuns fixeschan il termin per adattar la capaciad d'installaziuns per magasinar ladim natural da cas en cas tenor urgenza. Els procuran che tut las installaziuns da magasinaziun sajan sanadas entaifer 15 onns sunter l'entrada en vigur da questa lescha.

Art. 78 e 79⁸³

2. secziun: Prelevaziuns d'aua

Art. 80 Sanaziun

¹ Sch'ina aua currenta vegn influenzada fermamain tras prelevaziuns, sto ella vegnir sanada tenor las ordinaziuns da las autoritads sut ils lieus da prelevaziun, senza ch'ils dretgs existents d'utilisar las auas vegnian tangads en ina moda che giustifitgass ina indemnissaziun.

² L'autoritat ordinescha mesiras da sanaziun supplementaras, sch'i sa tracta d'auas currentas en cuntradas u en biotops ch'èn registrads en inventaris naziunals u chantunals u sche auters interess publics predominants pretendan quai. La procedura per constatar l'obligaziun d'indemnissaziun e la fixaziun da l'indemnissaziun sa drizza tenor la Lescha d'expropriaziun dals 20 da zercladur 1930⁸⁴.

³ Sche l'ordinaziun da mesiras da sanaziun supplementaras en territoris inventarisads tenor l'alinea 2 pertutga ovras idraulicas pitschnas u auters stabiliments ch'èn

⁸² Las midadas pon vegnir consultadas sut CULF **1992** 1860

⁸³ Aboli tras la cifra II 33 da la LF dals 20 da mars 2008 davart la rectificaziun formala dal dretg federal, en vigur dapi il 1. d'avust 2008 (CULF **2008** 3437; Fegl uffizial federal **2007** 6121)

⁸⁴ CS **711**

situads per lung d'auas currentas e che han ina valur per la tgira da monuments, cumpareglia l'autorità ils interess da la protecziun da monuments cun quels da la protecziun da las zonas inventarisadas.⁸⁵

Art. 81 Termins da sanaziun

¹ L'autorità fixescha ils termins per las mesiras da sanaziun da cas en cas tenor urgenza.

² Ella procura che las lavurs da sanaziun èn terminadas fin il pli tard la fin 2012.⁸⁶

Art. 82 Basa per la sanaziun

¹ Ils chantuns fan in inventari da las prelevaziuns d'aua existentas tenor l'artitgel 29; quest inventari cuntogna indicaziuns davart:

- a. la quantidad d'aua prelevada;
- b. la quantidad d'aua restanta;
- c. la quantidad d'aua da dotaziun;
- d. las relaziuns giuridicas.

² Els giuditgeschan las prelevaziuns d'aua ch'èn registradas en l'inventari e decidan, sche ed en tge dimensiun ch'ina sanaziun è necessaria. Ils resultats vegnan menziunads en in rapport. Quel duai sche pussaivel mussar la successiun da las mesiras che ston vegnir prendidas.

³ Els inolteschan ils inventaris entaifer 2 onns ed il rapport entaifer 5 onns suenter l'entrada en vigur da questa lescha a la Confederaziun.

Art. 83 Prelevaziuns d'aua en cas che la concessiun è gia dada

¹ En cas da prelevaziuns d'aua planisadas, per las qualas la concessiun è vegnida dada avant l'entrada en vigur da questa lescha, sto la protecziun da l'aua sut il lieu da prelevaziun vegnir garantida tras mesiras tenor questa lescha tant enavant che quai è pussaivel senza ch'ils dretgs existents d'utilisar las auas vegnian tangads en ina moda che giustifitgass ina indemnissaziun. Sche la concessiun è vegnida dada suenter il 1. da zercladur 1987, na giustifitgeschan las mesiras betg l'obligaziun d'indemnissaziun tenor l'artitgel 31 da la lescha.

² Sche interess publics predominants pretendan ina protecziun supplementara, ordinescha l'autorità las mesiras necessarias tenor questa lescha. La procedura per constatar l'obligaziun d'indemnissaziun e la fixaziun da l'indemnissaziun sa drizza tenor la Lescha d'expropriaziun dals 20 da zercladur 1930⁸⁷.

⁸⁵ Integrà tras la cifra I da la LF dals 11 da december 2009 (renaturalisaziun), en vigur dapi il 1. da schaner 2011 (CULF 2010 4285; Fegl uffizial federal 2008 8043 8079)

⁸⁶ Versiun tenor la cifra I 11 da la LF dals 19 da december 2003 davart il program da distgargia 2003, en vigur dapi il 1. da schaner 2005 (CULF 2004 1633; Fegl uffizial federal 2003 5615)

⁸⁷ CS 711

³ L'autorità ordinescha las mesiras il pli tard avant che las lavurs da construcziun per ils stabiliments da prelevaziun d'aua cumenzan.

2^{bis}. secziun:⁸⁸ Midadas da la deflussiun da l'aua e bilantscha da gera

Art. 83a Mesiras da sanaziun

Ils possessurs d'ovras idraulicas existentas e d'auters stabiliments per lung da las auas èn obligads da prender las mesiras da sanaziun adequatas tenor las prescripziuns dals artitgels 39a e 43a, e quai entaifer 20 onns suenter l'entrada en vigur da questa disposiziun.

Art. 83b Planisaziun e rapport

¹ Ils chantuns planiseschan las mesiras tenor l'artitgel 83a e fixeschan ils termins per la realisaziun. La planisaziun cumpiglia er las mesiras ch'ils possessurs d'ovras idraulicas ston prender tenor l'artitgel 10 da la Lescha federala dals 21 da zercladur 1991⁸⁹ davart la pestga.

² Ils chantuns inoltreschan la planisaziun fin ils 31 da december 2014 a la Confederaziun.

³ Els rapportan mintga 4 onns a la Confederaziun davart las mesiras realisadas.

3. secziun: Indemnisaziuns

Art. 84

¹ Sche las lavurs da construcziun per stabiliments ed indrizz han cumenzà avant l'entrada en vigur da questa lescha, vegnan dumondas per indemnisaziuns decididas tenor il dretg vegl. L'indemnisaziun sto vegnir calculada tenor la forza finanziaria dals chantuns ch'è valaivla il mument che l'indemnisaziun vegn garantida.

² ...⁹⁰

3. chapitel: Referendum ed entrada en vigur

Art. 85

¹ Questa lescha è suttamessa al referendum facultativ.

² Il Cussegl federal fixescha l'entrada en vigur.

⁸⁸ Integrà tras la cifra I da la LF dals 11 da december 2009 (renativalisaziun), en vigur dapi il 1. da schaner 2011 (CULF 2010 4285; Fegl uffizial federal 2008 8043 8079)

⁸⁹ CS 923.0

⁹⁰ Aboli tras la cifra I da la LF dals 20 da zercladur 1997, en vigur dapi il 1. da november 1997 (CULF 1997 2243; Fegl uffizial federal 1996 IV 1217)

Data da l'entrada en vigur: 1. da november 1992⁹¹

Disposiziuns finalas da la midada dals 20 da zercladur 1997⁹²

¹ Dumondas per indemnizaziuns tenor l'artitgel 61 alinea 2 literas a, b, c, e ed f da la Lescha davart la protecziun da las auas en la versiun dals 24 da schaner 1991⁹³ vegnan giuditgadas tenor quest dretg, sch'ellas èn vegnidas inoltradas avant il 1. da schaner 1995. La cundiziun ch'è cuntegnida là, numnadamain che la construcziun stoppia vegnir cumenzada entaifer 5 onns suenter l'entrada en vigur da la lescha, vegn remplazzada tras la cundiziun che la decisiun da l'emprima instanza davart la construcziun dal stabiliment stoppia esser vegnida prenidada avant il 1. da november 1997.

² Dumondas per indemnizaziuns tenor l'artitgel 61 alinea 1 litera c da la Lescha davart la protecziun da las auas en la versiun dals 18 da mars 1994⁹⁴ vegnan giuditgadas tenor quest dretg, sch'ellas èn vegnidas inoltradas avant il 1. da november 2002 e sche las mesiras èn vegnidas prenidadas e scuntradas avant questa data.

³ Dumondas per indemnizaziuns tenor l'artitgel 61 alinea 2 da la Lescha davart la protecziun da las auas en la versiun dals 18 da mars 1994 ch'èn vegnidas inoltradas avant questa midada, vegnan giuditgadas tenor il dretg nov.

⁹¹ COCF dals 5 d'october 1992

⁹² CULF **1997** 2243; Fegl uffizial federal **1996** IV 1217

⁹³ CULF **1992** 1860

⁹⁴ CULF **1994** 1634

